



UNIVERSITÄTS-
BIBLIOTHEK
PADERBORN

Universitätsbibliothek Paderborn

Manuale Exercitiorvm Spiritvalivm

Capilla, Andrés de

Coloniae, 1607

De virtute fidei. Exercit. 67.

[urn:nbn:de:hbz:466:1-53232](https://nbn-resolving.org/urn:nbn:de:hbz:466:1-53232)

ut illud purificet & sanctificet, faciatque nos homines secundum cor suum.

DE VIRTUTE FIDEL.

Exercitium. 67.

Rom. 1. *Iustus ex fide viuit.*

Ephes. 6. *In omnibus sumentes scutum fidei, in quo positis omnia tela nequissimi ignea extinguere.*

1. Ioan. 5. *Hac est victoria qua vincit mundum, fides nostra.*

Hebr. 11. *Sine fide impossibile est placere Deo.*

Luc. 17. *Domine adauge nobis fidem.*

Consideratio.

Considerabimus, quam sint certa quæ per fidem credimus, quandoquidem reuelationi diuinæ inniuntur. Deus autem est prima & æterna veritas, quæ neque falli, neque fallere potest. Prius cælum, terra, & totus mundus transibunt, quam iota vnum aut vnus apex ex his quæ Deus reuelauit, non impleatur.

Gratiarum actio.

GRatias agemus Domino: quod reuelauerit nobis sublimia fidei mysteria, nobisque partem secretorum suorum communicauerit, & non uti seruos, sed tanquam amicos intimos tractauerit.

Confusio.

Pudore suffundemur, considerando quam otiosam hactenus fidem in anima habuerimus; viuendo quasi Deus non esset, atque operibus mandatis illius planè contrariis, ipsum negando.

Petitio.

Rogabimus Deum, ut nos confirmet in fide, eamque in nobis continuè adaugeat; & faciat ne in nobis fides sit otiosa.

Oblatio.

Offeremus Deo intellectum nostrum, maiestati ipsius subiectum, ad credendum omnia, quæ fides docet, sine alterius rationis requisitione.